



Kern

232 (1-28)







PALDIA TOREM

RET FUR... AR CIVEM

*Sanctum nihil est et ab inguine tutum.*

IVVENALIS.

DAVIDES... S... THINGBO

TABLE AD VADIA

TROG... THEO... W...





V I R O  
PRAENOBILISSIMO CONSVLTISSIMO

AMPLISSIMO DOCTISSI-

MOQVE

IOANNI FRIDERICO  
STOLTENBERG

IVRIS VTRIVSQVE DOCTORI

P A T R I S V O

MAXIMA PIETATE

COLENDO

A 2

SPE-





SPECIMEN HOC  
INAUGURALE MEDICVM

GRATISSIMI ANIMI

PUBLICVM QVODDAM DOCUMENTVM

EXHIBITVRVS

EA

QVA DECET, VENERATIONE DAT, DICAT,

DEDICAT

FILIVS OBSEQUIOSISSIMVS

DAVIDES HENRICVS STOLTENBERG.

PRO-








PROOEMIVM.



Magna rei publicae est felicitas, si  
ciuibus abundat; maior, si eo-  
rundem plerique et animi, et  
corporis firmitate praestant, nullisque ce-  
dunt laboribus; maxima denique omnium-  
que perfectissima, si post labores non desi-  
dias molles, non marcida luxu otia, non in-  
ertes quaerunt somnos, sed naturae iussis  
obtemperant, vxorioque fruuntur leuamen-






to, et procreandae educandaeque soboli operam dant. Scilicet haec vera frequentandarum incolis regionum sunt subsidia, hae optimae amplificandae rei publicae rationes: quarum in iuuando hominum incremento praestantior est vis atque efficacia, quam vnquam aliis artibus impetrari potest. Tollite plagiarios, o! principes, qui exteras regiones ciuibus exhauriunt; tollite inuitamenta hominum, qui plerumque, tanquam reiectanea purgamenta, patriis locis eiiciuntur; vestroque imperio subditorum honestissima coniugia praemiis, beneficiis, immunitatibusque excitate: tum profecto paucorum annorum interuallo vestrae ditio- nes tanta abundabunt ciuium multitudine, quantum sabuli mare littoribus infundit. Ad haec vero aliae quoque domesticae et velut in tenebris suae turpitudinis tegumenta, quaerentes deprehenduntur pestes, quae longe



longe maiori atrocitate, quam verae pestilentiae, et bella, humanum genus lacerant, grauesque passim faciunt populationes: a quibus nisi feuerissime vindicentur res publicae, vix aliquot praeterlabentur lustra, quin ciuitates ciuibus orbae, terraeque colonis viduae reddantur. Ex quo enim tempore denuo aetas parentum, peior auis, tulit nos nequiores, omne profecto decus luxu solutum, multaque oppressum nocte pudorem deprehendimus. Certant nunc homines in omne facinus, ipsis certe Sodomaeis vitiosiores. Quotusquisque fere nunc est, qui non sit nefandus, scortator, incestificus, masturbator, paedicator, et quid non? Tametsi vero omnia haec libidinosa facinora pressa pede poenae sequuntur, tamen nocentiora mala pedissequa non habet vllum ex his libidinibus genus, quam ipsa plus quam brutata *paedicatio*. Quam, quoniam nunc in hominum





minum perniciem admodum frequentari coepit, ita luculentius describendam suscipiemus, vt et pudoris habeatur reuerentia, neque ipsum scelus illustrius notiusque reddatur; et singula tamen valetudinis sanitatisque publicae detrimenta, quae inde eueniunt, ex veris suis rationibus explicatius euoluantur. Honestissimam mercedem pro hoc labore consecutus mihi videbor, si vel aliqui tantummodo meis monitis ad meliorem frugem se siuerint reuocari.





## §. I.

**T**ametſi ſollemne ſcleratiffimae huius libidinis, cuius nunc peſtiferos in humani generis ſanitatē incolūmitatēque effectus concifa deſcripturi ſumus oratione, nomen ex graeco detorquetur fonte *a*), tantum tamen abeſt, vt primi demum poſt hominum memoriā Graii ſpurciſſima hac Venere languerent, vt potius effrena haec voluptas iam antiquiſſimis temporibus vel ſupra magnos gentium duces, viroſque ſapientiae ſtudia prae ſe ferentes, victrix exultaret, plurimoſque populoſ turpiſſime effemineret. Prima omnium huius ſcleris veſtigia exſtant inter Sodomaeos; qui, ſicuti ſacrae referunt litterae *b*), ob nefanda huius generis facinora coeleſtibus ignibus ſunt extincti. Neque tamen ceteras ſecutaſque gentes vltorem Deum timuiſſe, et ab inhumano eiſmodi flagitio abſtinuiſſe, vel exinde probabiliſter poteſt confici, quoniam longe poſt excidium Sodomaicum ipſe ſupremuſ legum lator ſanctorque denuo hoc ſcleratiffimoſ facinore homineſ prohibuit, ipſamque eidem poenam propoſuit internecionis *c*). Quin etiam contra, pleroſque profanoſ homineſ verique numineſ contemtoſ, huiuſmodi vitiuſum illecebris cupiditatūque lenociniis duci, glorioſum exiſtimaiſſe honorificūque, vel ex hiſ magna videtur eſſe ſignificatio, quod ipſiſ commentitiis ſuiſ diiſ paedicatorē inſeruerint, Quis enim, verbi cauſſa, nescit *rapti Ganymediſ honoreſ? Cui non dictuſ Hylar?* Inpri-

B

mis

*a*) Videſiſ §. II.

*b*) *Genef. Cap. XIX. verſ. 5.*

*c*) *Leuitic. Cap. XVIII. verſ. 22. et Cap. XX. verſ. 13.*



mis vero Graeci, licet et optimarum artium cultura, et sapientiae studio omnibus reliquis gentibus ista aetate maxime praestarent, tamen in huius quoque nequissimae artis frequentatione variaque cuiuslibet mollissimae libidinis inuentione omnes ceteros homines maximo antecierunt interuallo. Ipsumne putetis Socratem, sapientissimum omnium ab Apolline dictum, qui primus, tanquam parens, philosophiam, praecipue moralem, e coelo deuocasse, voluptates nullo numerasse loco, animique magnitudine excelluisse est existimatus; eundemne, inquam, putetis hac a labe fuisse immunem? Certe Phaedon, *inter Socraticos notissima fossa cinaedos*, temperantiae laude Socratem priuauit d). Romanorum primam aetatem morum quidem simplicitas frugalitasque rexit: mox autem, auctis diuitiis, profusissima luxuries vniuersum populum Romanum quoque corrumpit, puerorumque introduxit corruptores. Quid Caesares referam paedicones cinaedosque? Quid innumeros alios huius sceleris reos? quorum infamem flagitiis memoriam plures rerum Romanarum scriptores conseruauerunt. Quotusquisque est, qui non erubescat, si spurcissimum illud Catullianum: *Paedicabo ego vos et irrumabo*, legerit. Hinc etiam diuinus PAVLVVS, flagitiosos istorum temporum mores detestatus, in epistola ad Romanos data e), in haec quoque scelera animaduertit. Atque nunc sperari omnino poterat, postquam sanctior Christi disciplina hominum animos criminibus purgauerat, morum integrita-

d) Conferatur ARISTOPHANES in *Nubibus* passim, et ipse illustris ALBERTVS de HALLER in carmine inscripto: *von der Falschheit menschlicher Tugenden*: vers. sequent. *Was war ein Socrates? ein weicher Wollüstling*: &c.

e) Cap. I. vers. 27.



gritatem innocentiamque etiam esse redituram. Verum enim vero, sicuti perpetuo *gens humana ruit per vitium nefas*, ita etiam ad nostram vsque aetatem diuini numinis abutimur patientia, et vbique fere his quoque inhumanis libidinibus contaminamur. Verissime omnino et velut praefentis temporis moribus accommodate canit MARCELLVS PALINGENIVS, censoriae grauitatis poëta: *Quid tot, scribens f), supra loquar? sunt cuncta libidine plena: Et passim prostant, et clam fodiuntur ephobi. Quis non moechatur?* Quocumque placet, circumspicite, lectores probi honestique! In procerum aulis masculas virtutes ne quaeratis, sed masculam Venerem. Inter milites praefecti passim cum manipularibus et gregariis nocte dieque subant, hesternae occursum coenae merdosisque solanorum tuberosorum panisque militaris reliquiis. Litterarum artiumque cultorum corpora, quorum mores disciplina emolliri debebant, his lasciuiosis artibus adeo emolliuntur, vt anseris medullula fiant molliora. Mercatorum ciuiumque aliorum subditio hoc igne calentes societates, quas ipsi vocant, quis non nouit? Sed taedet omnino nos recensendis pluribus scelestissimorum huiusmodi hominum ordinibus immorari.

## §. II.

At vero ne in tanti sceleris descriptione verecundiae fines transisse videamur; quanquam de turpissima re verecunde satis scribi posse merito dubitari potest: id saltem agemus, vt primo ipsius flagitii admittendi rationes quam breuissime describamus, dein ipsarum earundem cor-

B 2

poris

f) In *Zodiaco vitae*, Libr. VI, vers. 118.





poris humani partium, quae peruerso hoc naturaeque prorsus inimico abusu laeduntur, fabricam et cum nobilioribus vniuersae nostrae machinae partibus nexum consensionemque explicemus, et ex his *denique* irreparabilem certamque valetudinis iacturam, quae eiusmodi scelestissimos viros exspectat, siue sint actores, siue pathici, luculenter demonstremus. Exinde enim haud difficile erit intellectu, quam noxius, quamque infestus rei publicae ciuis sit paedicator. Est autem *paedicatio*, quam etiam *paedicatum*, *paederastiam*, et *paedomaniam* passim vocant g), cuiusque sectator significantius *κυσσαροσικάπτηρ* aut *κυσσόνιπτης* dici mereretur, masculi cum masculo congressus per ea loca, quae natura exituris fecibus aluinis destinavit. Actorem siue puerorum iuuenumque corruptorem, qui abutitur ea parte, qua vir est, aliosque effeminat, *paediconem* siue *paedicatorum* vulgo appellant; qui dat vero sui corporis copiam, et inhonestissime se effeminari patitur, *pathicus*, siue *cinaedus* dici solet. Plura alia nomina, quibus nequissimi huiusmodi homines passim a poetis insigniuntur, lubenter praetermittimus: ne in re nauci nimis laborare videamur. Sed fuerunt quoque interdum *cinaedae*. Quippe adeo eo dementiae libidinisque progressa est gens humana, ut essent quoque, qui legitimum muliebrium usum respuunt, et merdosos feminarum subagitant sulcos. Intuitu tandem obsceni, qui patitur, loci paedicatio differt ab *irrumatione*, aequae flagitiosissimo scelere: de qua differere, nostri nunc non interest instituti.

## §. III.

g) Omnes hae voces sunt graecae originis: a *παῖς*, *δός*, *puer*, et *επάσης*, amator: itemque *μανία*, furor.



## §. III.


Contra ea nostri potius refert propositi, ad singulas eas partes, quae in obsceno hoc opere et agunt, et patiuntur, in tantum aduertere animum, in quantum luculenter exinde intelligi potest, quanta laborent eiusmodi homines iu charybdi. *Actorum* (§. II.) *instrumenta*, quibus parariis lasciuunt, licet eadem sint, quae natura in viris procreandae ex honestis vxoribus soboli destinauit, neminique esse voluit ignota, tamen accedunt quaedam in peruerso hoc actu, quae eorundem integritati sunt infesta: quemadmodum haud difficulter ex ipsarum harum partium structura, si paullo consideratius spectetur, apparebit. Quam vero cum ex dissectorum demonstrationibus physiologorumque institutionibus repeti volumus, mea ex his tantummodo tangemus, quae potissimum in spurcissimo hoc opere attentionem merentur. Virilis mentulae anteriorem eminentioremque partem, quam vulgo glandem vocant, natura omnium vtilitatum prouida mobilissimo quodam textu inuolucro, cui praepucio nomen est: quod interna sui parte tenerrimam habet cuticulam, glandi vrethraeque superiniecram, inferneque in plicam cutaneam, frenulum appellatam, ita collectam, filoque ad vrethrae ostium excurrente ita alligatam, vt reuolui quidem super glandem praepucium possit, neutiquam tamen supra modum, nisi simul et glandi, et vrethrae ductui, et ipsis vasculis praepucii cutaneis, cum interiori vasculoso penis vrethraeque systemate communicantibus, vim inferri velis *h*). Atque ipsa glans, crassius illud et fere semiconicum penis capitulum, textu-

B 3

rae

*h*) Conf. illustris de HALLER *Element. physiolog.* Tom. VII. pag. 435. seq.





raeque cauernosae, vrethram ambeuntis, additamentum, et cum corporibus penis cauernosis arte connexum, ea ipsa fede, qua frenulo committitur, acerrimi deprehenditur sensus; vt, quomodocunque has laesis partes, siue compressione, siue frictu trituque fortiori, partim tam profunda, quam dorsalia penis vascula vtriusque generis in transmittendo sanguine vehementer turbes, vicinasque partes simul in consensum turbati motus sanguinei trahas, partim in adeo neruosa parte, qua vix alia est neruosior, summos excitaturus sis dolores, immo conuulsiones, ob originem ex ischiadico sacrisque neruis ductam, non modo ad vicinas partes, vrethram, vesicam vrinariam, anumque, sed profecto etiam ad vniuersum corpus propagaturus *i*). Sed in interioribus quoque genitalibus partibus paedicatori non omnia aequae bene et salubriter accidunt, ac illi, qui naturali moderataque vtitur Venere. Quippe, vti protinus exponemus, ad excitandum iustum legitimumque seminis masculini profluuium iusta quoque legitimaque, neutiquam coacta atque ipsi naturae prorsus contraria, irritatione opus est. Ita enim summus opifex fabricator huius nobilissimi liquoris colatoria atque receptacula, vt aliquis eorundem cum animae imperio sit consensus, si istis finibus, quos praefixit natura, conuenienter assignentur: dissensus autem et velut extorsum planeque coactum obsequium, quotiescunque repugnante natura ad nefarias libidines coguntur. Quem enim hae faciunt, vesanus generis neruosi tumultus tanto magis eneruat, tantoque certius vires infringit, quanto maior ampliorque eorum neruorum,

*i*) Haec omnia liquido constabunt attente legenti ea, quae illustris de HALLER *loc. cit.* et seq. amplissime hac super re exposuit.



uorum, has qui adeunt partes, cum vniuerso fere reliquo systemate est nexus, quantoque absolutior consensio. Quippe alii horum cum spermatico ductu ad testes descendunt *k*) partim ex ipso trunco intercostali, partim ex miris eiusdem cum octauo pare coniunctionibus illaqueationibusque, nempe ex plexu renali, mesenterico maximo, mesocolicique radicibus, partim denique ex aliquot vertebralis lumbalibusque: alii vero ad exteriora genitalia abeunt nervi *l*), partim ex hypogastrico plexu, partim ex ipso vastissimo nervo ischiadico, oriundi, et non dictis modo partibus, sed vicinis etiam omnibus, vretbrae inprimis bulbo, recto intestino, anique sphincteri, mirifice intertexti. Ex quo facile apparet, quantae, ob arctissimam dictorum neruorum cum potioribus corporis humani neruis consensionem, futurae sint omnium actionum animalium, vitalium, naturaliumque perturbationes, si, non naturae postulata, non turgentis boni laudabilisque seminis copia, sed sola absurda atque corrupta imaginatio deprauataeque consuetudinis vis atque incitatio neruis imperrant, succumque feminalem, inuitis omnibus organis, expellunt.


#### §. IV.

Verum enim vero *cinaedorum cinaedarumque* (§. II.) etiam partes, ignominiosae huius Veneris impetus expertae, non profecto habent, cur de turpi suo obsequio valde laentur. Considerate enim, lectores, ipsam harum partium concinnam fabricam, longe aliis vñibus a sapientissimo

*k*) Videtis illustris de HALLER *Element. Physiolog.* Tom. VII. pag. 438. seq.

*l*) Confer *ibidem*, pag. 516. seq.





mo opifice accommodatam. Vt enim ima esset excrementorum via, et tam expellendis iisdem, quam ad aliquod temporis spatium ob munditiam retinendis aequae apta, rectum intestinum, dum a colo descendit, vndique a ligamentis colicis, in vaginulas velut carneas, ex longitudinalibus fibris constantes, sensim diductis, circumdatur: quibus, ad maiorem huius loci firmitatem, circulares adiunctae sunt fibrae, ad tubi finem tandem in teretem tumentemque circulum collectae, quem anatomici sphincteris interni nomine designare solent. Ipsum autem huius intestini, magna plicarum interpositarumque glandularum mucosarum copia intrinsecus distincti, ostium admodum deprehenditur arctum rotundumque, plicis cutaneis, stellae in modum fere dispositis, velut implicatum: cui, tanquam cutaneo tegumento, subicitur externus ani sphincter, non solum prioris in comprimendo coarctandoque ano comes adiutorque, verum etiam vicinarum partium, quas simul excurrentibus suis fibrosis fasciculis illaqueat reuincitque, musculorum nimirum ani leuatorum, transuerforum, coccygeorum, acceleratorumque urinae, nec non bulbi vrethrae, itemque in feminis vaginae constrictoris, quodammodo rector moderatorque. De quibus omnibus accuratius exponentes anatomicos consuli oportet *m*). Praeter haec autem magnus etiam in iisdem locis, in quae nefandi isti arietatores turpiter arietant, vasorum neruorumque est concursus: vnde omnino fieri non potest, quin hoc ex abusu suarum, quas perreptant, partium variae oriturae sint laesiones. Neruorum iisdem omnino sunt trunci vicinaeque propagines, de quibus paullo antea (§. III.) egimus

*m*) *Ibidem*, pag. 144. seq.



mus<sup>n)</sup>. Quod ad sanguifera vero vasa attinet, arteriae ad ima haec loca descendunt partim posterius ex mesocolicae sinistrae ramis, partim ex hypogastricarum ramis haemorrhoidalis, medio externisque, aliisque variis minoribus vicinis, multiplici inosculatione inter se coniunctis. His autem comites additae venae partim venae portarum, partim cauae redituum ad cor sanguinem infundunt. Isti quidem ministrat sanguinem haemorrhoida interna, mesocolicae, rarius ex splenica, frequentius ex mesenterica oriundae, ramus: huic vero haemorrhoidae, et mediae, et externae, varicosis tumoribus saepissime laborantes, et intermediis venosis truncis, pudendo, circumflexo, communique, cum hypogastrico systemate continuae, sanguineum liquorem adducunt o) Quod si igitur adeo irricabiles, adeo acri sensu praeditas, adeo tenerrimis et succi plenis vasculis refertissimas partes permolueris, contuderis, discuneaueris, disrupterisque, o! insane, quantum putabis detrimenti esse subsecuturum? Nam, quae ex interiori tubo intestinali ipsa foras propellit natura, per vias, admirabili artificio reclusas, ipsa ducit: extrinsecus vero immittendis, quin adeo saepius exiguo tubulo, clyisma transmissuro, vias occludit. Sed, quae est paedicatorum insania, nec his prava defuerunt artificia, quibus naturae providentiam eluderent, atque praecclusos aditus superarent. Scilicet tot fomentis, tot clysmatibus, totque vnguentis has emolliunt laxantque partes, vt tandem inhonestissimo imperio cedant, simul vero omnibus istis malis, quae solidorum debilitas laxitasque inducere potest, succumbant.

C

§. V.

n) *Ibidem*, pag. 168.

o) *Ibidem*, pag. 161. seq.



## §. V.

Sed, ne haec, quae proposuimus, sine probatione dimisisse videamur, suscepta instituti ratio postulat, ut articulatim distincteque disputemus, et vnumquodque eorum malorum, quae, tanquam poenae comites, cinaedos paedicatorumque expectant, singulatim expendamus. Verum enim vero quoniam inter hos tristissimos euentus sceleratissime admittae paederaetiae plurimi omnino sunt, qui etiam ceteras libidines, naturae ordini aduerfantes, verbi causa, masturbationem, irrumationem, aliosque infames *κατὰ μεταμάζια καὶ μασχάλην* lusus, itemque feminarum lasciuas confricationes, strenue sequuntur, et in tergo velut haerent: malui *communis* haec mala, ab aliis idoneis scriptoribus serio grauiterque exagitata, in summam tantum colligere, partim ne libelli academici limites transgrederer, partim vero ut ab aliorum sententiis in opusculum hoc meum transfundendis calamo temperarem. De iis vero morbis et illaetabilibus effectibus, quos paedicatio *speciatim* singulariterque pedisse quos habet, accuratius exquisitiusque disputabo, ut proposito instituto, quoad eius facere poterō, satisfaciam. Sunt vero inter has quoque summo iure meritoque adquisitiones corporis afflictiones nonnullae, quae ad haec saepe numero alia etiam aduentitia mala, ipsis istis primariis, quibus superueniunt, longe peiora, secum trahunt. Ad quorum numerum refero omnia illa humorum lymphaticorum serosorumque inquinamenta, quae qualicumque contagio se propagant, viresque eundo acquirunt. Quoniam enim ipsae illae corporis partes, quibus paedicatorum cinaedique vtrinque pessime abutuntur (S. III. IV.), innumeris fere bibulis venis abundant, insuperque etiam copio-



copioso aut mucō, aut vngvine, illinuntur, fieri omnino non potest, quin quaelibet impura materies, cuiuscunque sit generis, per adfrictionem iisdem in locis deterfa atque reposita, expeditissime a venulis suscipiatur, totique humorum massae confundatur. Eo ergo nomine omnes adfectus scabiosi, scorbutici, atque serpiginosi, aliique singuli, cutaneum contextum pustulis vlceribusque corruptentes, inprimis si in obscenis habitent locis, facillimo transgressu ex paedicone in cinaedum, et ex hoc in priorem, transrepent, et impurissimae Veneris praemia referent. Praereliquis vero communissimum illud libidinosorum hominum flagellum, venerea lues, quo nunc maxime Deus vltor turpissima voluptatum studia vindicat, inhumanis quoque paedicatorum artibus imminet, eoque vehementius huiusmodi homines corrumpit, quo aptiora suscipiendo contagio sunt ista loca, quae peruersae huic Veneri litant. Extant omnino passim varia digna memoratu exempla, cum a nonnullis grauissimis magnaecque fidei scriptoribus in commentarios relata, tum constanti fama omniumque sermone peruulgata; quae, quam virulento tabo detestabilis haec Venus suos imbuat cultores, vel nuper admodum luculentissime sunt testata. Ex posteriorum horum exemplorum numero nulla tangam, ne, quo apertior, eo molestior futura sit veritas. Ex prioribus vero sufficiat eorum meminisse, quae vir clarissimus artisque chirurgicae scientia celebris, *COSTAEVS iunior*, accurate copioseque descripsit *p*): ex quibus omnino constat, quam atrocia et tantum non infanabilia venereae corruptionis sym-

C 2

pto.

*p*) In *Traité de la Vérole et de toutes les maladies veneriennes*: à Berlin, 1769. Obseruat. XXV, XXVI, et XXVII. collat. cum Obseruat. VII.



ptomata postico hoc in tramite comparentur. Sed haec satis sint de adscitiis his malis, non ex sola paedicationis indole, sed ex accessorio et frequenter obiuo inquinamento, oriundis dicta.

§. VI.

Venio nunc ad *communia* ista omnium paene Onaniticorum scelerum peruersarumque voluptatum venericarum confectaria, quae et paedicatores potissimum manent; quippe qui non solum in cassum effundunt nobilissimum liquorem spermaticum, verum etiam ob patientis et admittentis partis angustiam varia ratione ipsum proleæi feminis effluxum retardant. Quorum malorum omnium indolem numerumque summam tantummodo, vt supra iam monui (§. V.), recensebo: quoniam post notissimam illam *παῖσφιδίαν* Anglicam, quae *Onania* inscribitur, aliosque varios eiusdem argumenti commentarios, nuperrime in primis celeberrimus vir, TISSOT, et alius quidam ἀνάστρομος q), in hac materie absolute subtiliterque pertractanda, magna cum laude versati sunt. Quo autem lectores vnico velut intuitu omnia haec mala, quasi in tabula picta, sibi proposita habeant, placet hic illustris HIERON. DAVIDIS GAYBII breuem aequae, ac concinnam subiicere descriptionem. *Immoderata*, inquit r), *seminis profusio*, non solum utilissimi humoris iactura, sed ipso etiam motu conuulsivo, quo emittitur, frequentius repetito, in primis laedit.

Ete-

q) Prior in libro: *Von der Onanie oder von den Krankheiten, die von der Selbstbefleckung herrühren*; edit. german. Ifenacens. 1769: posterior vero in opusculo: *Der in den übeln Folgen der Selbstbefleckung siber rathende Arzt*; Lipsiae, 1769.

r) In *Institutionibus Patholog. medic.* §. 562. Edit. Lugd. Batav. 1758.



Etenim summam voluptatem uniuersalis excipit virium resolutio, quae crebro ferri nequit, quin eneruet. Colatoria autem corporis, quo magis emulgentur, eo plus humorum aliunde ad se trahunt, succisque sic ad genitalia deriuatis, reliquae partes depauperantur. Inde ex nimia venere lassitudo, debilitas, immobilitas, incessus delumbis, encephali dolores, calores, conuulsiones; sensuum omnium, maxime visus, hebetudo; caecitas, fatuitas, circulatio febrilis, exsiccatio, macies, tabes et pulmonica, et dorsalis, effeminatio. Augentur haec mala, atque insanabilia fiunt ob perpetuum in Venerem prurimum, quem mens non minus, quam corpus, tandem contrahit, quoque efficitur, ut et dormientes obscena phantasmata excerceant, et in tentiginem prouae partes quauis occasione impetum concipiant, onerique et stimulo sit quamlibet exigua reparati spermatis copia, leuissimo conatu, et vel sine hoc, de relaxatis loculis elapsura. Quocirca liquet, quare adolescentiae florem adeo pessumdet iste excessus. Haec GAU B I V S.

### S. VII.

At licet profecto nesciam, quonam fieri dicatur factum, ut nulla calamitas deprehendatur sola: hoc tamen probe intelligo, quonam optimo iure, praeter iam exposita infiniti numeri mala (§. VI.), et istos, qui corrumpunt masculos, et hos, qui corrumpi se patiuntur, aliae adhuc calamitates valetudinisque iacturae *speciatim* singulariterque, uti iam monuimus, infestentur. Quippe diuinae intererat iustitiae, ne ipsae illae hominum partes, quibus naturae, a se conditae atque institutae, legibus temerario atque peruerso modo illuditur, admissorum scelerum impunitatem adsequerentur. Ergo et lasciuienti extra naturae fines *men-*



*ulæ*, et impudentius obsequioso *ano* praestitutæ sunt *poe-  
nae*: quas omnes singulasque diligenter nunc perquiremus.  
Ad simplicissimas autem solas nostra nunc pertinebit ora-  
tio: nulla omnino habita eius rei ratione, quæ easdem  
has istarum partium afflictiones accessorio siphylitico vene-  
no peiores corruptioresque factas offert. Has enim iam  
supra suo tetigimus loco (§. V.). Ecce tibi numerum eo-  
rum morborum, quos passim ipsimet in diuersis huius ge-  
neris voluptariis hominibus obseruauimus, aut ab aliis  
accepimus obseruatos. Primo nempe *paedicatorum* impu-  
dicam partem sæpe numero, post infames istos lusus, oc-  
cupant incendia tam totius penis, quam solius glandis;  
ecchymomata; intertrigines atque vesiculæ crystallinae;  
phimoses, paraphimoses, tumoresque crystallini; satyria-  
ses priapismique; variae mittendi lotij difficultates; disru-  
ptiones frenuli coniunctæque interdum haemorrhagiae;  
ipforum quoque testium spermaticique funiculi tumores;  
tandemque gonorrhoea, nomine quidem benigna, sed  
sanationi maxime maligneque aduersa. Taceo, quippe  
aliis quoque sceleribus Onaniticis familiarem, succedentem  
demum perfectam, et vxoriae coniunctionis, et procrean-  
dæ sobolis impotentiam. Deinde vero in *cinaedos* quo-  
que ea speciatim parte, qua peccant, multa inferuntur ma-  
la: intertrigines nempe serpiginesque; ruptiones perinaei,  
eiusdemque saltem inflammationes, abscessus, atque vlce-  
ra; ipsius porro ani rhagades, eryspelata, lacerationes,  
vlcera, tandemque fistulae; haemorrhoidales adfectus varii  
generis; condylomata multiplicis formae nominisque;  
sphincterum spasmi tenesmoidei, aut paralyfes, anique pro-  
lapsus, et spontaneæ fecum aluinarum defluxiones, cum

va-



variis diuaseos vitiis, ex partium vicinitate consensuque ortis. Quibus addi possunt nonnulla vaginae muliebris incommoda, iis accidentia feminis, quae, Cinaedorum more, praepostere se iniri patiuntur.

§. VIII.

De hisigitur omnibus seorsim nunc dici oportet; vt, quomodo tot tamque varia mala ex vno eodemque scelere enasci possint, ex rationibus suis constet. Primo ergo paedicatorum, dein cinaedorum singulas persequemur calamitates. Inter istas autem poenas, quas dehonestata natura a paediconibus suo repetit iure, primo posuimus loco *penis*, imprimis glandis praeputiique, *inflammationem* (§. VII.). Quamcunque enim incendii sanguinei originem sedemque existimaueris, siue BOERHAAVII, siue aliorum sententiae inhaerens, in hoc tamen cum omnibus singulisque istis pathologis certissime consenties, fieri omnino non posse, quin, si partes quaedam qualescunque corporis humani viui, praecipue sanguiferorum vasculorum apparatus abundantes, fortius contundantur, vehementiusque constringantur, hoc ipso in loco restagnaturus sit sanguis, incendiique fomitem excitaturus. Atque haud alia fors mentulam exspectat paedicantem. Glans enim, velut veteris arietis bellici capitulum, obtruditur ani angustiis, validissimisque sphaeniterum renixibus: adeo, vt tenerrima haec pars interiores cauernulas suas, congesto sanguine turgidas, vehementissime contundat, immo elidat. Quod si demum putida dea Pertunda fauerit ausui, tunc indignabundi violatae huius partis sphaeniteres totum lasciuientem arietem, torcularis chirurgici instar, arctissime quoque  
ver-





versus constringunt, omnesque eius sanguiferos canales, imprimis dorfales, situ suo viciniore (§. III.), ita compingunt, vt transitu interdicator sanguis. Adde, hac ipsa vi, quae intrudendo peni impenditur, ita longissime retroagi praeputium, vt frenulum, sensilissimae glandis parti annexum, nisi semper vere rumpatur, tamen coniunctum interius vrethrae inuolucrum summopere extendat, et hac quoque ratione interiora huius partis vascula efficacissime constringat. Adde denique ipsos ad acerbiorem sensum hic incitatos neruos copiosiore quoque ad dolentia loca sanguinis allicere adfluxum. Atque haec omnino vera est saepius oriundae in his partibus a paedicatione grauissimae inflammationis ratio. Pone etiam, infames alyptas suo hic functos esse ministerio (§. IV.): tamen, nisi penitus sint lacerati, nunquam prorsus suo deerunt officio sphincteres, a molesto ludibrio, quantumcunque poterunt, se vindicaturi. Accidit porro interdum, vt di&is ex caussis, sub impura hac equitatione, partim ab affricu aut acri sero, ad intestini exitum delapso, epidermis in pene elidatur aut erodatur; partim saltem hincinde sanguis in incruenta vascula aut cellulas subcutaneas, compressionis efficacitate, impellatur; partim denique, eadem de causa, qui exhalari debebat, vapor serofus passim, mota epidermide, in bullulas coerceatur: vnde paedicatorum phalli, tanquam laborum praemia, hic *vesiculas crystallinas*, illic *ecchymomata*, istic vero *intertrigines* (§. VII.) reportant. Quando vero, vt etiam paediconibus saepe numero contingere solet, inflammatio praeputium praecipue occupat, vt hoc ipsum, sub laborioso imprimis isto impurae Veneris actu, retro glandis coronam actum, antrorsum reduci se haud pa-



patiatur, aut, mutata ratione, idem antierius contractum glandis denudationem non permittat: hic *phimosi*, illic *paraphimosi* accessit. Eadem denique caussa, quae vesiculas istas crystallinas glandis excitare potest, efficit quoque nonnunquam, vt, humore aquoso per contextum praeputii cellulofum effuso, vniuersum hoc cutaneum inuolucrum *tumore crystallino* mirifice intumescat.

§. IX.

Frequens quoque admodumque sollemne iis, qui in alios masculos turpiter pruriunt, accidit duplicis generis malum, quod *Satyriasis* atque *Priapismi* nomine pathologi designant (§. VII.). Quandocunque enim libidinosi hi homines pro ea, quam animus corpusque ipsorum contraxit, corruptione in perpetuum ad obscena phantasmata pruritus concitantur, amplissimumque istud genitalium organorum neruofum systema (§. III) in inopportuno coarctatoque anitubo, quo efficacior est renisus, eo vehementius stimulat, fieri omnino nequit, quin etiam a perexigua reparati seminis copia in voluptariam tentionem impetus renouetur, *Satyriasis* auctor effectorque. Sed adde tunc leues harum partium inflammationes, itidem paedicationis pedissequas; adde coniunctos frequentiores grauiioresque neruorum horum stimulos: tum profecto tetanus totius mentulae aut alterius tantummodo partis superueniet, *Priapismi* aut *Chordae* nomine denotatus. Verum enim vero tot incendiorum, totque spasmodorum opportunitates, in quas impurissimi paedicones semet ipsi coniciunt, ad vrethrae quoque fines transmittuntur, atque hoc emittendi locii organon, laesis varia ratione sphin-

D

ste-



steribus, multiplici quoque modo viciant, vt hinc *stranguria*, *dysuria*, atque *ischuria* haud infrequentes paediconum sint poenae (§. VII.). Frenulum porro ab obscena fordidaque hac arietatione subinde rumpi, iam ante (§. VIII.) diximus. Atque hac ab laesione ex vasculis dorsalibus, circa hunc locum varia inosculatione implicatis, sat graues profusasque accidisse *haemorrhagias* (§. cit.), exempla prostant. Ipsi demum testes et, qui ad eodem excurrit, spermaticus funiculus sua in paediconibus experiuntur fata. Quippe partim copiosior frequentiorque seminis effusio, cui isti homines vacant, partim ipsa ad Venerem incitata imaginatio, partim varia inflammatorum spasmodumque genera, quae hic ab admissio scelere subnaesuntur, quaeque paullo ante tetigimus, efficiunt omnino, vt arteriae seminales largiorem seminalis succi copiam adfundant, ipsa tamen testium cola, per quae elaboratum semen transmitti debet, saepe numero contractilibus deficiant viribus, et laxitate insigni laborent. Ergo, redundante in his loculis semine, testes ipsi atque *funiculi spermatici* vascula haud raro, non sine acri interpositorum neruulorum dolore, intumescere, immo etiam indurescere incipiunt (§. cit.). Vt omittam, incensum inflammatumque penem subinde quoque vicinas has partes in incendii pertrahere consensum. Atque eadem denique causae, a quibus tumentium testiculorum ortum in paediconibus deduximus, tantae quoque sunt efficacitatis, vt, si praecipue nonnullae aliae lasciuu generis opportunitates, quas luculenter, vt solet, subtiliterque exposuit vir celeberrimus, TISSOT<sup>s</sup>), accesserint, huiusmodi libidinosi hominibus non solum

ima-

\*) In libr. citat. pag. 218. et seq.



*immundo somnia visu Nocturnam vestem maculent, ventremque supinum: verum etiam postremo tantam organorum internorum genitalium, potissimum vesicularum feminalium, producant atoniam, quae largo spontaneoque spermatici liquoris stillicidio (§. cit.) virilia corpora eneruat, et, si forte postea, liberorum procreandorum causa, legitimo et naturae iussibus conuenienti destinantur vsui, inertes truncos, species, atque inutilia relinquit pondera, nunquam inguinis effoeti parte iuuante fruitura. Sed haec de paedicatorum calamitatibus sint fatis.*

§. X.

Supereff, vt in eorum quoque damnorum, quae *cinaedis* turpe parat obsequium (§. VII.), origines curiose inquiramus. *Intertrigines serpiginesque*, quae supra in recensione horum morborum agmen ducunt, haud alia ad anum nascuntur ratione, ac ad penem: quippe hoc in scelere binae hae partes, aequali nisu renisuque motae, vtrinque maxime (§. VIII.) conferuent. Quod vero ad *perinaei vitia*, quorum supra mentionem inieciimus (§. VII.), attinet, mirari omnino nemo potest, quicumque arctiorem eiusdem cum vicinis proximisque partibus coniunctionem, et subiectas varias vasculorum sanguiferorum complicationes, considerauerit, quod, dum putidae ani fossae ab improbissimo cuneo aguntur, hoc quoque intertextum tegumentum a compressione atque contusione incendatur, incensum pus concipiat, et facillime, ob loci naturam collisui opportunam, vlcerosum euadat. Atque haec omnino mala eo certius contingent, si ab impetus libidinosi vehementia perinaeum sit displotum. Eodem inhonesto lusu, ad eandem quoque rationes, angustum *ani* orificium eiusque firmif-





missima bina repagula, si extrema violentia perfringuntur, sicuti iam suo narrauimus loco (§. IV. VII.), *fissuras, eryspelaceas inflammationes, dilacerationes, exulcerationesque* sunt perpeffura: in quibus, si per diuturniorem moram acre euaserit pus, expeditissimus in *fistulosa ulcera* erit progressus. A quorum ortu eo minus sibi cauere poterunt cinaedi, quo magis, vel sub ipsa prima reliquarum istarum laesionum initia, a paediconibus subigi se patiuntur, neque se adeo turpi subtrahunt ministerio. Atque hinc etiam variorum *adfectuum haemorrhoidariorum* descendit origo (§. cit.). Repetenti enim memoria ea, quae alibi (§. IV.) de vasorum sanguiferorum his in locis distributione discernimus, obscurum esse non potest, omnia ea, quae sanguinis per ima haec loca progressum retardant, reditumque ad superiores partes difficiliorem reddunt, certissime varios adfectus haemorrhoidales esse excitatura. Proinde, cum paedicatio non solum has ipsas partes contundat comprimatque, verum etiam, vti exposuimus, haud infrequenter inflammationes, tumores aquosos, abscessus, exulcerationesque, inducat, hac ipsa de causa impediri nequit, quin venarum inprimis haemorrhoidearum, et ex his potissimum externarum, ora, circa extimum ani ambitum, in varices intumescant, quas *caecas* vulgo vocant haemorrhoides, mox cum leuiori tantummodo pressionis sensu coniunctas, mox, si inflammatio accesserit, insigniter dolentes vrentesque. Quid? quod si subinde exigua ista nonnullarum venularum ostiola hiauerint, modicamque sanguinis copiam, non sine aegroti cinaedi alleuamento, emiserint, tuncque temporis forte contigerit, vt in eundem pathicum denuo obscenos suos concussus repeteret paedicator: tum  
pro-



profecto omnia symptomata in peius ruent, et, quae iam detumuerant, tubercula varicosa cinaedi denuo, cum intolerabiliori saepe dolore, recrudescunt; immo, mutata fere natura, contractaque intus retentae coactaeque materiae duritiae, in *condylomata* ista multiplicis formae generisque degenerabunt (§. VII.). Sollemnia haec iam antiquis temporibus cinaedorum fuerunt mala, variis nominibus, verbi causa, ficuum, cristarum, vuarum, mororum, mariscarumque, notata. Hinc etiam sua iam aetate *IUVENALIS*, dum acri sale eos perfricat, *qui de virtute locuti Clunem agitant*, per ludibrium haec addit, scribens *1)*: *Hispida membra quidem, et durae per brachia setae Promittunt atrocem animum; sed podice laevi Caeduntur tumidae medico ridente mariscae.* Neque tamen omnia condylomata, quae cinaedis ad anum fiunt, ex haemorrhoidibus nasci adfirmamus. Quippe etiam multae ex his verrucae ex papillis nerveis, quae sub cute ad anum sitae sunt, nascuntur, si conquassantes paedicatorum misus partim superiectam cuticulam deterunt, partim succum, quo papillae haerent, cogunt. Hac enim ratione necessario sequitur, ut extuberent papillae atque indurescant. Verum enim vero omnes hae, quas haecenus recensuimus, cinaedorum ex admitta paedicatione adflictiones ita sunt comparatae, ut ano, adeo sensibili irritabilique parti, vehementissima inferant irritamenta, eundemque his stimulis ad frequentes simulque irritos euacuandae alui incitent conatus. Quo in negotio cum sphaereteres potissimum agant, haec incommoda, cinaedos quoque expectantia, supra (§. VII.) *spasmos* appellauimus *sphincterum tenesmoideos*. Quibus ex

D 3

ma-

1) In *Satyr.* II. vers. II. seq.



malis, si diutius frequentiusque hominem exercuerunt, expeditissima ad *sphincterum paralyse*, ani *procedentiam*, *spontaneasque excrementorum aluorum reiectiones* est via. Musculosae enim harum partium fibrae, si diuturno aut frequenter repetito spasmo vexentur, partim de elatere suo plurimum perdunt, partim etiam, elanguescente sensum nervorum concursu, ita infirmantur, ut amplius officio suo recte conuenienterque satisfacere haud possint. Idem accidit detrimentum, sed longe priori peius, si paedicator cinaedo ita acerrime insultauerit, ut hae ipsae vicinaeque partes diffunderentur. Vnde denique et cinaedo aequae, ac paedicatori, variae *diureseos difficultates* (§. VII.) enascantur, vel ex iis liquet, quae iam paullo ante (§. IX.) hanc in rem differuimus. Atque omnibus his singulisque malis obnoxiae quoque fiunt feminae, posticae merdosaeque Veneri fauentes. In his autem ad haec haud raro anterioris partis, quae forte minori crimini patuit, *vaginae* nempe, tunica interna relaxata *prolabitur*: si ita vehementer posticam partem permoluerint paedicones, ut forte huius sphincteres virtute contractili delinquerent, aut adeo una cum perinaeo diffunderentur. Sphincteris enim vaginae ex ani sphinctere ortum, aliasque mutuas vtriusque huius partis coniunctiones luculentissime anatomici physiologi demonstrant *u*). Huius autem generis procedentia, licet non semper, frequenter tamen *sterilitatem* mulieri adfert; etiam si postea legitimis experiatur Hymenaeos.

§. XI.

Sed ohe! iam fatis est! Pertaedet enim nos longio-

*u*) Confer illustris de HALLER *Element. Physiol.* Tom. VII. Part. II. pag. 72. seq.



gioris morae, ad putidas huiusmodi latrinas, velut ad Augiæ stabulum, consumendae. Suscepti enim consilii summam expleuisse nobis videmur. Namque is profecto, qui non in suum proprium corpus tantummodo, sed in aliorum quoque corpora furit; sanitatem adeo multorum, immo etiam animi integritatem, funditus evertit; futurorum hominum semina, in fertili idoneoque agro certam generositatis fidem factura, in inertes sterilesque sulcos deponit; sibi quoque adeo soli suisque libidinibus, non publicis viuit commodis: is profecto noxius et infestus erit rei publicæ ciuis. Atque, qualem hic delineamus, talem hactenus demonstrauius paedicatorem. Medicorum non est, sed eorum, quibus summum imperium omniumque rerum potestas est commissa, quibusque vera rei publicæ salus curae esse debet cordique, non amplius tantum tolerare nefas, sed seueris coercere poenis. Si quid tamen consilio principes iuuare possint medici, audiendus omnino erit longe doctissimus Anglus, N. D. FALCK: qui puerorum corruptoribus, vt lasciuire desinant, testes vult excindi x). Enimuero vereor quam maxime, ne irritum sit futurum hoc consilium, et eunucho quoque tantum superfore libidinis, quantum ad viciandos alios requiritur. Circumspicite tantummodo principum aulas, lectores veri honestique tenaces! in quibus eunuchi, vti fatis inter multos constat, non solum delicatioribus in cantu flexionibus aures demulcent, verum etiam noctu ad alios transeunt lusus, vel ipsa stipendia cole natibusque facientes. Ergo coercendo huic sceleri aliud efficacius dabo consilium.

Quod

x) In der *Abhandlung von venerischen Krankheiten*; pag. 470. edit. germ. *Hamburgens.* 1775.





Quod si nimirum paedicatores cinaedique monitis obsecun-  
dare nolint, et in scelestissimo amore persistere pergant,

*Lasciuientes tunc pathici nates*

*Caedi iubete, et reddite vindice,*

*O principes! ementulatum*

*Ense virum, sceleris tenacem.*














Vb 18

Pica









91

IN  
PAEDICATOREM  
NOXIVM ET INFESTVM  
REI PVBLICAE CIVEM



PRAESIDE  
PETRO IMMANVELE HARTMANNO,

PHIL. ET MED. DOCT. MED. T.  
PVBL. ORDIN. ACAD. CAESAR. I.  
FVRT. SCIENT. VTIL. ITEMQ  
SCRVTATOR. ET DVICAL. TEV  
MEDICI HOC

DOCTOR

HONORES

D. IVNII

PVBLICE

DAVIDES HENRI

LVB



TRAIECTI  
E TYPOGRAPH

